

## NEGREIRA

### ANUNCIO

*Anuncio relativo á aprobación definitiva do Regulamento e Ordenanza fiscal reguladora da taxa pola instalación e funcionamento de instalacións de telefonía móbil e outros servizos de telecomunicación e de difusión*

Aprobada definitivamente o regulamento e ordenanza fiscal reguladora da taxa pola instalación e funcionamento de instalacións de telefonía móbil e outros servizos de telecomunicación e de difusión ó non terse presentadas reclamacións contra a aprobación provisional da mesma acordada no Pleno da Corporación de data 11 de novembro de 2004 publícase seguidamente o texto íntegro do referido regulamento e ordenanza fiscal:

### ORDENANZA MUNICIPAL PARA A INSTALACIÓN E FUNCIONAMENTO DE INSTALACIÓNS DE TELEFONÍA MÓBIL PERSOAL E OUTROS SERVIZOS DE TELECOMUNICACIÓNS E DE DIFUSIÓN.

#### EXPOSICIÓN DE MOTIVOS

O forte avance tecnolóxico e a liberalización do mercado experimentado nos últimos anos no campo das telecomunicacións tivo na telefonía móbil persoal unha das súas máis importantes repercusións, con un desenvolvemento tan considerable que, unido o forte impacto que as súas instalacións teña na paisaxe urbana e natural, e á carencia de normativa municipal específica, xustifican a elaboración e aprobación por parte deste Excmo. Concello de Negreira de unha Ordenanza Municipal propia para estes fins.

O proceso de implantación das operadoras e o rápido crecemento do mercado están creando unha serie de disfuncións que, como se dixo, provocan a necesaria intervención da administración local neste proceso.

Ademáis do alto nivel de incidencia que a instalación das diferentes operadoras está xerando dentro da paisaxe urbana e rural, non debe deixarse de lado a adopción de certas cautelas en relación coa saúde dos cidadáns.

Así, esta Ordenanza ten como obxectivo a regulamentación das condicións urbanísticas aplicables á localización, instalación e funcionamento dos elementos e equipos de telecomunicación, sempre desde a búsqueda da maior protección tanto medioambiental como sanitaria.

En todo caso, a Administración terá que favorecer aquelas infraestruturas que produzan un menor impacto visual e ambiental sobre o entorno, velando para que as instalacións ofrezan un mínimo de garantía de salubridade na súa área de influencia.

Atopámonos ante unha Ordenanza de carácter urbanístico, sen esquecer a incidencia real das súas determinacións sobre outras áreas e competencias municipais de distinta orde.

Considerando o Informe en relación coa perigosidade para a saúde humana das antenas base de telefonía móbil emitido pola Consellería de Sanidade e Servizos Sociais de data de 9 de outubro de 2000 elaborado sobre os valores límite de exposición da densidade de potencia de radiacións electromagnéticas non ionizantes establecidos por distintos organismos, tales como o Institute of Electronic and Electronics Engineers an American National Standards Institute, International Comision on Non Ionizing Radiation Protection (ICNIRP), National Council on Radiation Protection and Measurements, Comité European de Normalization Electrotechnique, International Radiation Protection Association, Federal Communications Comision.

Os Concellos atópanse lexitimados para a emisión deste tipo de Ordenanza de acordo coas competencias en materias como a ordenación, xestión, execución e disciplina urbanística (Art. 25.2.d. da Lei 7/1985, de 2 de abril, Reguladora das Bases de Réxime Local, o Patrimonio Histórico-Artístico (art. 25.2.e.), a protección do medio ambiente (art. 25.2.f.) ou a salubridade pública (art. 25.2.h.).

Ó amparo do disposto nos artigos 168 da Lei 1/1997, de 24 de marzo, do Solo de Galicia e no art. 10 do Decreto 28/1999, de 21 de xaneiro, polo que se aproba o Regulamento de Disciplina Urbanística, estará sometida a licenza municipal a instalación no noso termo municipal de elementos e equipos de telecomunicación.

Sen prexuízo da regulación urbanística municipal contida nesta Ordenanza, será plenamente aplicable e de obrigado cumprimento a normativa sectorial específica reguladora do sector das telecomunicacións, constituída na actualidade básicamente pola Lei 11/1998, de 24 de abril, Xeral de Telecomunicacións, así como o Real Decreto 1066/2001, de 28 de setembro, polo que se aproba o Regulamento que establece as condicións de protección do dominio público radioeléctrico, restricións ás emisións radioeléctricas e medidas de protección sanitaria fronte á emisións radioeléctricas.

O artigo 62 da Lei 11/1998, establece que o Goberno desenvolverá regulamentariamente as condicións de xestión do dominio público radioeléctrico, precisándose que en dito regulamento deberá incluírse o procedemento de determinación dos niveis de emisión radioeléctricos tolerables.

Este mandato foi debidamente atendido a través do xa referido Real Decreto 1066/2001, o cal establece uns límites de exposición, referidos ós sistemas de radiocomunicacións, baseados na Recomendación do Consello da Unión Europea, de 12 de xullo de 1999, relativa á exposición do público en xeral a campos electromagnéticos. Ademáis o Regulamento prevé mecanismos de seguimento dos niveis de exposición, mediante a representación de certificacións e informes por parte de operadores de telecomunicacións, así como a realización de plans de inspección.

Da Ordenanza deberanse destacar, ademáis, os puntos seguintes:

A obriga de presentar un Programa de desenvolvemento para as operadoras que teñan a función de prover ós Concellos de información necesaria para a toma de decisións.

Establecer o uso conxunto de infraestruturas entre as operadoras, alí onde sexa técnicaamente adecuada, especialmente en solo non urbanizable.

Establecer limitacións de implantación por impacto paisaxístico e por criterios de non afectación á saúde das persoas, por afectación de núcleos históricos ou por obsolescencia tecnolóxica.

Impor ás operadoras a obriga de presentar un seguro de responsabilidade civil ilimitada para as consecuencias que se poderían derivar das súas instalacións.

Recoller a normativa vixente sobre seguridade para as persoas deste tipo de instalacións.

Incorporar, en futuras revisións da normativa, os requisitos técnicos e de distancias que establezan no futuro os estudos contrastados sobre os efectos das microondas na saúde das persoas.

Entretanto, establece a obriga para as operadoras de xustificar a adecuación das distancias en relación coas edificacións existentes, de maneira que se garanta suficientemente que a implantación das mesmas resulte inocua para a saúde.

Incorpórase á presente Ordenanza, como parte integrante da mesma, un Anexo no que se establecen en todo caso as distancias mínimas de tolerancia.

En definitiva, a ordenanza municipal debe servir para impor os parámetros fundamentais da relación Concello-operadoras de telecomunicación, en canto ó uso do dominio público ou privado do espazo para a instalación de elementos de radiocomunicación, concretamente no que ao tema de taxas se refire.

Por último, sinalar que a intervención administrativa municipal no ámbito ambiental pode quedar condicionada á actuación normativa da Xunta, mediante a Comisión correspondente, que determinará a incorporación definitiva deste tipo de instalacións ao anexo ou anexos máis apropiados do Decreto 2414/1961, de 30 de novembro, polo que se aproba o Regulamento de Actividades Molestas, Nocivas, Insalubres e Perigosas.

## CAPÍTULO I

### DISPOSICIÓNS XERAIS

#### Artigo 1. Obxecto.

A presente Ordenanza regula as condicións de ubicación e instalacións da infraestrutura de telecomunicacións no Concello de Negreira, constituídas por instalacións de telefonía móbil persoal e outros servizos de telecomunicacións e de difusión, a fin de compatibilizar a funcionalidade de tales elementos e equipos e a utilización polos usuarios dos servizos de telecomunicación cos niveis de calidade requeridos coas esixencias de preservación da paisaxe urbana e natural e de minimización da ocupación e o impacto que a súa implantación poidan producir.

Todo isto a través do establecemento das condicións de protección do dominio público radioelétrico, a autorización, planificación e inspección de instalacións radioelétricas en relación cos límites de exposición ás emisións, a avaliación de equipos e aparatos e o réxime sancionador aplicable. Así mesmo establece os límites de exposición para a protección sanitaria e a avaliación de riscos por emisións radioelétricas.

#### Artigo 2.

A instalación de equipos e elementos de telecomunicacións, terá que estar expresamente autorizada polo Concello de Negreira e estará suxeita ao cumprimento das condicións que se establezan nesta Ordenanza, que determinará cales destas instalacións se suxeitarán a previa licenza municipal e o procedemento administrativo pertinente.

#### Artigo 3.

Por medio desta Ordenanza dotarase de regulación á esixencia de taxa por utilización privativa ou aproveitamentos especiais constituídos no dominio público local a favor das empresas explotadoras de servizos de subministros.

#### Artigo 4. Finalidades.

Esta Ordenanza ten por finalidades:

- a) A protección da saúde dos cidadáns ante as posibles consecuencias que as ondas electromagnéticas poden ocasionar sobre a mesma.
- b) A harmonización do despregue das redes de radiocomunicación coa finalidade de protección do medio-ambiente.
- c) A integración das estacións base de telefonía móbil e outras estacións de radiocomunicacións no entorno urbanístico e territorial.

## SECCIÓN PRIMEIRA

### CONDICIÓN DE INSTALACIÓN

#### CAPÍTULO II

### PROGRAMA DE IMPLANTACIÓN E DESENVOLVEMENTO

#### Artigo 5.

As operadoras de radiocomunicación estarán suxeitas á aprobación de un Plan de Implantación e Desenvolvemento do conxunto de toda a rede que contemple as estacións fixas xa existentes e as previsións de implantación e desenvolvemento do conxunto de toda a súa rede dentro do termo municipal.

Dito Plan proporcionará a información necesaria para a adecuada integración destas instalacións na ordenación medioambiental e territorial e asegurar o cumprimento das limitacións establecidas na lexislación vixente.

#### Artigo 6. Contido do Plan de Implantación e Desenvolvemento.

##### 1. Con carácter xeral:

- a. Esquema xeral da rede, indicando os principios modos e localización da cabeceira, enlaces e posibles alternativas.
- b. Descrición dos servizos prestados e tecnoloxías utilizadas.
- c. Programa e calendario de execución das novas instalacións.

##### 2. Para cada emprazamento:

- a. Disposición do terreo, accesos e subministros.
- b. Calificación urbanística do solo, afeccións medioambientais e ao patrimonio Histórico-artístico.
- c. Posibilidade de uso compartido.
- d. Definición da tipoloxía das instalacións para cada emprazamento, mencionando: a xustificación da solución técnica proposta, altura do emprazamento e altura das antenas do sistema radiante, área de cobertura, marxe de frecuencias e potencia de emisión, número e tipo de antenas, así como calquera outro requisito de carácter técnico esixido pola lexislación vixente.
- e. Previsión das áreas de nova implantación de equipos xustificando a cobertura territorial prevista.
- f. Incidencia dos elementos visibles da instalación sobre os elementos que se consideran protexidos e que afecten á paisaxe urbana ou ó entorno medioambiental nos supostos en que a ubicación se realice no solo non urbanizable.

3. A información gráfica terá que sinalar os lugares de emprazamento, con coordenadas UTM e sobre a cartografía seguinte:

- a) A escala 1:25.000 para as instalacións que se empracen na demarcación non urbana.
- b) A escala 1:2.000 para as instalacións que se empracen na demarcación urbana.

4. A presentación do Plan de Implantación e Desenvolvemento farase por triplicado e deberá acompañarse da correspondente solicitude cos requisitos formais de carácter xeral que determina a Lei 30/1992, de 26 de novembro, de Réxime Xurídico das Administracións Públicas e do Procedemento Administrativo Común.

#### Artigo 7. Criterios de Implantación.

Na planificación das instalacións radioelétricas, os titulares das mesmas deberán ter en consideración, entre outros criterios, os seguintes:

- a) A ubicación, características e condicións de funcionamento das estacións radioelétricas deben minimizar os niveis

de exposición do público en xeral ás emisións radioelétricas con orixe tanto nestas como, no seu caso, nos terminais asociados ás mesmas, mantendo unha adecuada calidade do servizo.

b) As instalacións deberán utilizar a mellor tecnoloxía dispoñible, sempre que sexa compatible coa minimización do impacto visual e medioambiental.

c) Os plans de implantación hanse axustar aos correspondentes proxectos técnicos, aprobados polo Ministerio de Ciencia e Tecnoloxía, cando se trate de servizos finais ou portadores e de difusión, de conformidade co que prevén os artigos 13,14,17,25 e 26 da Lei de Ordenación das Telecomunicacións.

d) As empresas operadoras terán que presentar un seguro de responsabilidade civil que cubra de maneira ilimitada posibles afectacións aos bens ou ás persoas. Este seguro cubrirá cada instalación, e non poderá ser un seguro xenérico da totalidade das mesmas.

e) No caso de instalación de estacións radioelétricas en cubertas de edificios residenciais, os titulares de instalacións radioelétricas procurarán, sempre que sexa posible, instalar o sistema emisor de maneira que o diagrama de emisión non incida sobre o propio edificio, terraza ou ático.

f) O feito de compartir emprazamentos podería estar condicionado pola conseguinte concentración de emisións radioelétricas.

g) De maneira particular, a ubicación, características e condicións de funcionamento das estacións radioelétricas debe minimizar, na maior medida posible, os niveis de emisión sobre espazos sensibles, tales como escolas, centros de saúde, hospitais ou parques públicos.

#### **Artigo 8. Tramitación.**

O Plan de Implantación será sometido a información pública por un termo mínimo de un mes, mediante a publicación no Diario Oficial de Galicia e Boletín Oficial da Provincia, un diario de gran circulación e no taboleiro de anuncios municipal. Os gastos que xeren estas publicacións correrán a cargo do solicitante.

Na tramitación será preceptivo o informe favorable de quen teña atribuídas as competencias urbanísticas e medioambientais do Concello.

A competencia para resolver a petición corresponde ao Alcalde ou ao Órgano que legalmente teña atribuída a competencia para o outorgamento das licenzas de actividade.

A aprobación deste Plan de Implantación será condición indispensable para que os municipios poidan outorgar as licenzas pertinentes para o establecemento das instalacións. A concesión de unha licenza municipal sen a previa aprobación administrativa do Plan será nula de pleno dereito.

#### **Artigo 9. Actualización e modificación do Plan de Implantación.**

As operadoras deberán comunicar calquera modificación ao contido do Plan de Implantación presentado, solicitando, no seu caso, ao órgano competente para a súa aprobación, a súa actualización e correspondente aprobación para poder proceder a facer efectivos ditos cambios.

#### **Artigo 10. Vixencia.**

Os Plans de Implantación terán unha vixencia de dous anos. Transcorrido este termo, os operadores terán que adaptar o plan ou presentar un novo de cobertura actualizada.

En todo caso non se autorizará ningunha instalación que non cumpra as determinacións que se establecen no anexo que se incorpora a presente Ordenanza.

### **CAPITULO III**

#### **LÍMITES DE EXPOSICIÓN, CONDICIÓN TECNOLÓXICAS DE PROTECCIÓN AMBIENTAL E DE SEGURIDADE DAS INSTALACIÓNS.**

##### **Artigo 11. Límites de exposición ás emisións radioelétricas. Restricións básicas e niveis de referencia.**

En cumprimento do disposto no artigo 62 da Lei 11/1998, de 24 de abril, Xeral de Telecomunicacións, e en desenvolvemento da Lei 14/1986, de 25 de abril, Xeral de Sanidade, de acordo coa Recomendación do Consello de Ministros de Sanidade da Unión Europea, de 12 de xullo de 1999, e co fin de garantir a adecuada protección da saúde do público en xeral, aplicaranse os límites de exposición que figuran no Anexo II do Real Decreto 1066/2001, de 28 de setembro, polo que se aproba o Regulamento que establece condicións de protección do dominio público radioelétrico.

Os límites establecidos cumpriranse nas zonas nas que poidan permanecer habitualmente as persoas e na exposición ás emisións dos equipos terminais, sen prexuízo do disposto noutras disposicións específicas no ámbito laboral.

##### **Artigo 12. Normas de protección ambiental. Prohibicións e limitacións ás instalacións.**

Queda prohibida a presenza de instalacións de radiocomunicación en centros hospitalarios e xeriátricos, centros educativos, escolas infantís e en todos aqueles espazos que se definan regulamentariamente como de especial risco.

Con carácter xeral e, sen prexuízo da normativa específica, non poderán establecerse instalacións de radiocomunicación nos bens inmoebles de interese cultural declarados monumentos pola Lei do Patrimonio Histórico e nos espazos naturais protexidos calificados coa categoría de Micro reservas e Monumentos Naturais pola Lei de Conservación da Natureza.

Limitaranse as instalacións nos conxuntos histórico-artísticos, zonas arqueolóxicas e xardíns declarados como bens de interese cultural, así como no resto de categorías de espazos naturais protexidos, obrigándose a incorporar as medidas de mimetización ou as solucións específicas que minimicen o impacto visual.

##### **Artigo 13. Outras restricións aos niveis de emisións radioelétricas.**

Sen prexuízo da remisión que se realizou no artigo 10 aos límites de exposición ás emisións radioelétricas contempladas no artigo 6 do Real Decreto 1066/2001, toda estación radioelétrica virá limitada nos seus niveis de emisión por calquera das seguintes condicións:

a) A existencia de interferencias prexudiciais ou incompatibilidades con outros servizos de telecomunicacións previamente autorizados ou con outros servizos públicos esenciais.

b) As limitacións impostas polo Cadro Nacional de Atribución de Frecuencias.

c) A existencia, fora da zona de servizo autorizada á estación, de niveis de intensidade de campo electromagnético superiores aos máximos establecidos.

##### **Artigo 14.**

O Concello, de maneira xustificada, por razóns urbanísticas, medioambientais ou paisaxísticas, e dando audiencia aos interesados, establecerá a obriga de compartir emprazamento por parte das diferentes operadoras, seguindo os trámites previstos na normativa estatal sobre utilización compartida de instalacións de telecomunicacións, de acordo cos Plans de desenvolvemento propostos. En todo caso, a obriga de compartir pode desestimarse se as operadoras xustifican a imposibilidade técnica ou o Concello considera que o impacto medioambiental

ou visual do uso compartido pode ser superior ao de instalacións de radiocomunicación que se pretendan instalar separadamente. No caso de uso compartido, o coste do uso deberá ser asumido integramente polas empresas operadoras de servizos de radiocomunicación, exercendo o Concello funcións de arbitraje en caso de desacordo.

#### CAPÍTULO IV

#### RÉXIME XURÍDICO DAS LICENZAS SOMETIDAS A ESTA ORDENANZA

##### Artigo 15. Determinados requisitos para a autorización referidos ás actividades calificadas.

1. Os operadores que establezan redes soporte de servizos de radiodifusión sonora e televisión e os titulares de licenzas individuais, presentarán un estudo detallado, realizado por técnico competente, que indique os niveis de exposición radioelétrica en áreas cercanas as súas instalacións radioelétricas nas que poldan permanecer habitualmente persoas.

Os mencionados niveis de exposición, valorados tendo en conta o entorno radioelétrico, deberán cumprir os límites establecidos no Anexo II do Real Decreto 1066/2001, ao que xa nos remitimos no artigo 10 desta Ordenanza.

O citado estudo será presentado ante o Ministerio de Ciencia e Tecnoloxía, incorporado no proxecto ou proposta técnica necesarias para solicitar a autorización das instalacións radioelétricas, segundo o establecido no Capítulo I, Título III, da Orde de 9 de marzo de 2000, pola que se aproba o Regulamento de desenvolvemento da Lei 11/1998, de 24 de abril, Xeral de Telecomunicacións, no relativo ao uso do dominio público radioelétrico.

2. Os operadores e titulares de licenzas individuais presentarán, simultaneamente e de maneira complementaria ao estudo citado, un proxecto de instalación de sinalización e no seu caso, peche que restrinja o acceso de persoal non profesional a zonas nas que poideran superarse as restricións establecidas no xa referido Anexo II. Dita sinalización ou peche deberá ser instalado de maneira previa á posta en servizo da instalación radioelétrica.

3. Sen prexuízo do establecido no apartado primeiro deste artigo, a aprobación definitiva das instalacións estará condicionada á non superación dos límites de exposición xa especificados.

4. Non poderán establecerse novas instalacións radioelétricas ou modificarse as existentes cando o seu funcionamento poida supor que superan os límites de exposición permitidos.

##### Artigo 16.

Na solicitude e tramitación das licenzas urbanísticas para as instalacións de radiocomunicación en calquera clase de solo, a mencionada licenza so se poderá outorgar previa aprobación do Plan de Implantación e sempre que este Plan se axuste ás súas previsións ou ás progresivas actualizacións.

##### Artigo 17. Suxeición a licenza.

1. Conforme ao artigo 168 da Lei 1/1997, de 24 de marzo, do Solo de Galicia (LSG), e o artigo 10 do Decreto 28/1999, de 21 de xaneiro, polo que se aprobou o Regulamento de Disciplina Urbanística para o desenvolvemento e aplicación da LXG, estará sometida a licenza municipal a instalación con obra, no seu caso, dos equipos de telecomunicación.

2. Aos efectos previstos nesta Ordenanza, as actividades nela reguladas clasifícanse en:

-Actividades inocuas.

-Actividades calificadas.

3. Son actividades inocuas as actuacións que teñen por obxecto a instalación de antenas de telefonía de reducidas dimensións, estacións para usuarios de telefonía fixa con acceso vía radio, contenedores de nodos finais de redes de telecomunicacións por cable, antenas receptoras de sinais de radiodifusión sonora e televisión, estacións de radioaficionados, así como a instalación en fachadas de cables ou canalizacións pertencentes a redes de telecomunicacións por cable.

4. Son actividades calificadas as actuacións que teñen por obxecto a instalación de estacións de base de telefonía, así como aquelas que teñen por obxecto a instalación dos equipos e elementos pertencentes a estacións emisoras, repetidoras, remisoras dos servizos de radiodifusión sonora e televisión e a instalación de estacións de radio enlaces e radiocomunicacións para uso exclusivo de unha soa entidade.

##### Artigo 18. Licenzas en solo non urbanizable.

Requisitos para a petición e tramitación das solicitudes de licenza urbanística para as instalacións de radiocomunicación en solo non urbanizable.

1. A tramitación axustarase ao establecido nesta Ordenanza con carácter xeral, coa salvedade referida no apartado seguinte.

2. O Concello deberá trasladar o expediente ao órgano da Consellería de Política Territorial, Obras Públicas e Vivenda competente na materia. O Concello emitirá un dictame sobre as solicitudes de licenza no solo non urbano e nel fará constar todo o referido ao impacto ou afectación da instalación sobre o medio e a proximidade a vivendas ou zonas habitadas. O informe será negativo se non cumpren como mínimo, as distancias esixidas para as instalacións en solo urbano.

##### Artigo 19. Disposicións particulares aplicables ás actividades calificadas.

1. Ademais da documentación requirida con carácter xeral polas normas de procedemento do PXOU que sexa necesaria e congruente coa natureza e características da instalación de que se trate, requirirase a presentación do proxecto técnico asinado por técnico competente e visado polo correspondente colexio profesional no que se inclúa, como mínimo, a seguinte documentación:

1.1. Estudo de calificación ambiental que describa con detalle a posible incidencia da súa implantación e funcionamento no medio natural exterior e interior das edificacións e construcións do seu entorno, con indicación dos seguintes datos:

- Acreditación verdadeira do cumprimento das normas e directrices dictadas polos órganos competentes da Administración do Estado en materia de saúde ambiental. A estes efectos, aportarase a xustificación da aprobación do Proxecto Técnico polo Ministerio de Ciencia e Tecnoloxía.

- Impactos ambientais producidos por ruidos e vibracións e pola expulsión forzada de aire quente ou viciado.

- Impacto visual na paisaxe arquitectónica urbana.

- Medidas correctoras que se propoñen adoptar para eliminar ditos impactos e o grao de eficacia previsto.

1.2. Documentación gráfica ilustrativa do impacto visual da instalación desde o nivel da vía pública e xustificativa da localización e da solución de instalación elixidas na que se inclúan:

a) Fotomontaxes:

- Frontal de instalación (cando fose posible)

- Lateral dereito: desde a beirarrúa contraria da vía, a 50 metros da instalación.

- Lateral esquerdo: desde a beirarrúa contraria da vía, a 50 metros da instalación.

Se o estimasen procedente os servizos técnicos municipais, deberá aportarse, ademais, simulación gráfica do impacto visual desde a perspectiva da visión do viandante ou desde outros puntos.

b) Plano, a escala adecuada, da localización da instalación e do trazado cableado (a súa situación nos trazados verticais e horizontais), se se realiza a instalación en fachada exterior.

1.3. Haberá de facerse referencia ao Plan de Implantación previamente aprobado que contemple as características da instalación para a que se solicita a licenza.

1.4. Medidas correctoras adoptadas para a protección contra as descargas eléctricas de orixe atmosférica.

1.5. Declaración ou compromiso de manter a instalación en perfectas condicións de seguridade, estabilidade e ornamentación.

2. Será preceptivo o informe favorable dos servizos municipais competentes en materia de medio ambiente, de patrimonio histórico e estética urbana e, cando proceda según a normativa sectorial aplicable, o informe dos órganos ou institución competentes en materia de protección do patrimonio histórico-artístico natural.

#### **Artigo 20. Disposicións particulares aplicables ás actividades inocuas.**

1. Coas solicitudes de licenza relativas ás actividades definidas como inocuas e que, conforme co artigo 17 desta Ordenanza precisen de licenza municipal, aportarase a seguinte documentación:

a) Solicitud de impreso regulamentario.

b) Memoria descriptiva e xustificativa das obras e instalacións con fotomontaxes e simulación gráfica do impacto visual na paisaxe arquitectónica urbana.

c) Planos a escala adecuada das obras e das instalacións, da localización da instalación na construción ou no edificio e do trazado do cableado se a instalación proxectada fora a realizarse na fachada exterior.

d) Certificación da acreditación oficial da empresa responsable das obras e instalacións.

2. Concederase simultaneamente a licenza que autorice as obras e a que autorice a instalación e o funcionamento da actividade ou instalación nas condicións reflectidas no documento da licenza, sen prexuízo das comprobacións que a administración municipal considere procedente realizar no exercicio das facultades de control e de disciplina que a normativa vixente lle outorga.

#### **Artigo 21. Disposicións de carácter xeral.**

1. A documentación que se acompañará á solicitud, da que se adxuntarán tres copias, presentarse no Rexistro Xeral do Concello. Esta documentación irá acompañada da documentación acreditativa do cumprimento das obrigas tributarias que determinen as Ordenanzas Fiscais correspondentes.

2. A falta de calquera documentación á que fai referencia o artigo anterior deberá ser solucionada no prazo de 10 días a partir da notificación que sobre estes defectos emita o Concello ao interesado. A non subsanación no prazo comportará a desestimación da solicitud.

3. Conferirase un trámite de audiencia aos interesados que poidan resultar afectados polo outorgamento da licenza.

4. As licenzas para a instalación de servizos de radiocomunicación poderán revisarse a instancia do Concello transcurridos, como mínimo, dous anos desde a súa autorización ou úl-

tima revisión, sempre que a evolución tecnolóxica faga posible aplicar solucións que diminúan o impacto visual ou as modificacións do entorno fagan necesario reducir aquel impacto.

5. A competencia para resolver a petición corresponde ao Alcalde. A resolución concedendo ou denegando a licenza urbanística deberá dictarse no prazo de un mes desde a entrada da solicitud no Rexistro. O cómputo do prazo de resolución quedará en suspenso durante o prazo que se conceda ao interesado para solucionar deficiencias, prazo de suspensión que non poderá exceder dos tres meses.

## **CAPÍTULO V**

### **INSPECCIÓN, REVISIÓN E CONSERVACIÓN**

#### **Artigo 22. Inspección e certificación das instalacións radioeléctricas.**

1. Será requisito previo á utilización do dominio público radioeléctrico por parte dos operadores, a inspección ou recoñecemento satisfactorio das instalacións polos Servizos Técnicos do Ministerio de Ciencia e Tecnoloxía, nos termos establecidos no artigo 65 da Lei 11/1998, de 24 de abril, Xeral de Telecomunicacións.

2. As instalacións radioeléctricas deben ser realizadas por instaladores de telecomunicación inscritos, para o tipo correspondente, no Rexistro de Instaladores de Telecomunicación, segundo o disposto no Real Decreto 279/1999, de 22 de febreiro, polo que se aproba o Regulamento Regulador das Infraestructuras Comúns de Telecomunicacións para o Acceso aos Servizos de Telecomunicación no Interior dos Edificios e da Actividade de Instalación de Equipos e Sistemas de Telecomunicacións.

3. Os titulares de licenzas individuais, deberán remitir ao Ministerio de Ciencia e Tecnoloxía, no primeiro trimestre de cada ano natural, unha certificación emitida por técnico competente de que se respetaron os límites de exposición establecidos no artigo 10 desta Ordenanza durante o ano anterior. Este Ministerio poderá ampliar esta obriga a titulares de outras instalacións radioeléctricas.

#### **Artigo 23. Conservación e revisión.**

Os operadores están obrigados a manter as súas instalacións nas debidas condicións de seguridade, estabilidade e conservación, así como a incorporar as melloras tecnolóxicas que vaian aparecendo e contribúan a reducir os niveis de emisión dos sistemas de radiantes e a minimizar o impacto ambiental e visual de acordo cos fins desta Lei.

Os operadores terán que revisar as instalacións anualmente, notificando no prazo de dous meses á Consellería competente, a acreditación de dita revisión.

Os titulares das instalacións estarán obrigados a reparar as deficiencias de conservación no prazo máximo de quince días a partir da notificación da irregularidade. Cando existan situacións de perigo para as persoas ou bens, as medidas deberán de adoptarse de forma inmediata.

Nos supostos de cesamento definitivo da actividade ou existencia de elementos da instalación en desuso, o operador ou, no seu caso, o propietario das instalacións deberá realizar as actuacións necesarias para desmantelar ou retirar os equipos de radiocomunicación ou os seus elementos, e deixar o terreo, a construción ou edificio que sirva de soporte a dita instalación, no estado anterior ao establecemento dos mesmos.

Cando os servizos municipais detecten un estado de conservación deficiente, o comunicaranos aos titulares da licenza para que adopten as medidas oportunas no prazo de quince días, ou inmediatamente en caso de urxencia. De non ser así,

a instalación poderá ser retirada polos servicios municipais, a cargo do obrigado.

#### **Artigo 24. Obrigados ao cumprimento.**

Quedan especificamente obrigados ao cumprimento da presente Ordenanza as empresas operadoras de telefonía móbil persoal e doutros servizos de telecomunicación e difusión, titulares das instalacións e antenas.

En caso de incumprimento dos preceptos desta Ordenanza, os servizos técnicos municipais poderán ordenar a adopción das medidas que consigan o efecto de restaurar a legalidade infrinxida, segundo que establece o Regulamento de Disciplina Urbanística de Galicia e demais normativa urbanística aplicable.

As ordes de desmontaxe e retirada das instalacións de antenas terán que ser realizadas polas empresas titulares da instalación no prazo máximo de quince días ou inmediatamente en caso de urxencia.

As medidas de execución subsidiaria son independentes e compatibles coas que se poidan impor en concepto de sanción.

### **CAPÍTULO VI**

#### **RÉXIME DE PROTECCIÓN DA LEGALIDADE E SANCIONADOR DAS INFRACCIÓNS**

##### **Artigo 25. Protección da Legalidade.**

1. As accións ou omisións que vulneren o disposto nesta Ordenanza poderán motivar a adopción das medidas que a continuación se establecen:

- a) Restitución da orde urbanística vulnerada.
- b) Imposición de multas aos responsables, tras a tramitación do correspondente procedemento sancionador.

2. En todo caso, a Administración municipal adoptará as medidas tendentes a reponer os bens afectados ao estado anterior á produción da situación ilegal.

##### **Artigo 26. Infraccións e sancións.**

As accións ou omisións que vulneren o disposto nesta Ordenanza respecto das normas urbanísticas sobre localización, instalación e funcionamento dos equipos de telecomunicación constitúen infraccións urbanísticas que serán sancionadas de conformidade co establecido na normativa urbanística vixente e nos artigos seguintes.

##### **Artigo 27. Clasificación das infraccións.**

1. As accións ou omisións que vulneren o disposto nesta Ordenanza constitúen infraccións urbanísticas que poden ser calificadas como moi graves, graves, ou leves:

2. Son infraccións moi graves:

a) A construción de instalacións que non estean incluídas nos Plans de Implantación.

b) O funcionamento da actividade superando os niveis máximos de emisión de radiacións e distancias de seguridade legalmente vixente.

3. Son infraccións graves:

a) A instalación con obras, no seu caso, sen licenza dos equipos de telecomunicación aos que se refire o artigo 17 desta Ordenanza.

b) O funcionamento da actividade cos seus equipos de comunicación aos que se refire o artigo 17.4 desta Ordenanza sen respetar as condicións que figuren incorporadas á autorización ou licenza concedida.

c) O incumprimento dos deberes de conservación, certificación, revisión e retirada das instalacións dos equipos de telecomunicacións aos que se refiren os artigos 22 e 23 desta Ordenanza.

d) O incumprimento dos prazos de adecuación das instalacións existentes establecidos na Disposición Transitoria Única do Real Decreto 1066/2001 de 28 de setembro.

##### **4. Son infraccións leves:**

a) As accións ou omisións que vulneren o disposto nesta Ordenanza relativas á instalación de equipos de telecomunicacións aos que se refire o seu artigo 16.3.

b) En todo caso, cando neste procedemento sancionador se demostre a escasa entidade do dano producido aos intereses xerais, as accións ou omisións que vulneren o disposto nesta Ordenanza serán calificadas como infraccións leves.

##### **Artigo 28. Sancións.**

1. A determinación das sancións que corresponda impor por comisión das infraccións tipificadas nesta ordenanza realizárase da seguinte maneira:

a) Sancionárase con multa do 1% ao 5% do valor da obra, instalación ou actuación realizada, a comisión das infraccións leves ás que se refire o artigo 27.4 da Ordenanza.

b) Nos supostos previstos no seu artigo 27.3 aplicáranse as seguintes:

\* Serán sancionados con multa do 1% ao 15% do valor das obras complementarias que fose necesario realizar para cumprir os deberes contemplados nos artigos 22 e 23 desta Ordenanza, calculado polos servizos técnicos municipais.

\* Serán sancionados con multa do 5% ao 15% do valor da instalación, calculado polos servizos técnicos municipais, os que realicen as actuacións previstas nesta Ordenanza sen licenza, sempre que ditas actuacións fosen legalizables.

\* Serán sancionados con multa do 15% ao 30% do valor da instalación, calculado polos servizos técnicos municipais, os que realicen as actuacións previstas nesta Ordenanza sen licenza, sempre que ditas actuacións non fosen legalizables.

\* Serán sancionados con multa do 15% ao 30% do valor da instalación, calculado polos servizos técnicos municipais, os que non adecuen as instalacións existentes dentro dos prazos establecidos na Disposición Transitoria Única do Real Decreto 1066/2001, de 28 de setembro.

c) Sancionárase con multa do 30% ao 50% do valor da obra, instalación ou actuación realizada, a comisión das infraccións moi graves ás que se refire o artigo 27.2 da Ordenanza.

As actuacións reguladas nesta Ordenanza que, a pesar de estar amparadas nunha licenza, se realicen en contra das condicións por ela impostas serán consideradas, aos efectos de aplicación do réxime de protección da legalidade e sancionador das infraccións correspondentes, como actuacións sen licenza e se imporá a sanción de acordo cos criterios establecidos nos apartados anteriores.

##### **Artigo 29. Suxeitos Responsables.**

Das infraccións ás que fai referencia esta Ordenanza serán responsables solidariamente:

a) A empresa instaladora ou a persoa física ou xurídica que dispoñera a colocación da instalación.

b) O director técnico das obras de instalación.

c) O propietario ou comunidade de propietarios do edificio ou terreos onde se ubique a antena e demais elementos de instalación.

### Artigo 30. Criterios para a graduación das sancións.

Para a graduación das sancións a aplicar consideraranse os seguintes criterios:

- a) A existencia ou non de intencionalidade.
- b) O resarcimento dos posibles prexuízos ocasionados con anterioridade ao acordo de inicio do expediente sancionador.
- c) A subsanación das deficiencias causantes das infraccións durante a tramitación do expediente sancionador.
- d) A natureza dos prexuízos ocasionados.
- e) A reincidencia, entendendo por tal a comisión de máis de unha infracción da mesma natureza, no termo de un ano a contar desde a firmeza da resolución da primeira.

### Artigo 31. Suspensión do funcionamento da instalación.

Por razóns de seguridade, a Administración poderá acordar, tanto durante a tramitación do procedemento, como previamente á súa iniciación, como medida provisional, a suspensión do funcionamento da instalación.

### Artigo 32. Aplicación das sancións e prescrición.

No relativo á aplicación das sancións previstas nesta Ordenanza, e á prescrición das infraccións tipificadas nela, esterase ao establecido sobre o particular na normativa urbanística vixente en Galicia e á restante de aplicación.

## SECCIÓN SEGUNDA

### TAXAS POR USO PRIVATIVO E APROVEITAMENTOS ESPECIAIS CONSTITUIDOS NO DOMINIO PÚBLICO LOCAL

#### Artigo 33.

A taxa esixirase pola utilización privativa ou aproveitamentos especiais constituídos no solo, subsolo ou voo das vías públicas municipais, a favor das Empresas Operadoras de telefonía móbil persoal e de outros servizos de telecomunicación ou difusión de imaxes, sonidos, textos, gráficos ou combinacións deles que se presten ao público no seu domicilio ou dependencias de forma integrada mediante redes de cable. En calquera caso, estes servizos terán que afectar á xeneralidade ou a unha parte importante da veciñanza.

#### Artigo 34.

Son suxeitos pasivos da taxa regulada nesta Ordenanza as persoas físicas e xurídicas titulares das Empresas aludidas no artigo anterior.

#### Artigo 35.

1. Tratándose de taxas por utilización privativa ou aproveitamentos especiais constituídos no solo, subsolo ou voo das vías públicas municipais, o importe da cota tributaria a satisfacer polo suxeito pasivo fíxase tomando como referencia o valor que tería no mercado a utilidade derivada de dita utilización ou aproveitamento, se os bens afectados non fosen de dominio público.

2. Para definir este valor de mercado da utilidade derivada, fíxase como parámetro os ingresos brutos da facturación anual que realiza o suxeito pasivo polas comunicacións de voz e datos neste termo municipal.

3. Como cota tributaria a satisfacer polo suxeito pasivo, tomarase a cantidade resultante de aplicar a porcentaxe do 1,5% sobre o parámetro determinado conforme ao apartado anterior.

4. As cantidades que por estas taxas tivera que satisfacer Telefónica de España, SA, consideraranse integradas, na compensación en metálico de periodicidade anual que esta compañía debe aboar aos Concellos, segundo o artigo 4 apartado 1 da Lei 15/87, de 30 de xullo.

### Artigo 36.

1. O pago do importe das taxas verificarase por cada empresa operadora mediante declaracións-liquidacións mensuais a conta da declaración-liquidación definitiva, que se presentará no primeiro trimestre seguinte ao ano que se refira. As expresadas declaracións-liquidacións axustaranse aos modelos oficiais correspondentes. Tales débedas poderán extinguirse total ou parcialmente por compensación con outros créditos ao seu favor.

2. O importe de cada declaración-liquidación mensual equivaldrá á cantidade resultante de aplicar a porcentaxe expresada no artigo 35.3 ao 1/12 porción dos ingresos brutos procedentes da facturación que realizou o suxeito pasivo polas comunicacións de voz e datos no termo municipal durante o ano anterior. Si o suxeito pasivo opera por primeira vez no termo municipal, non estará obrigado a presentar estas declaracións-liquidacións mensuais sen prexuízo da declaración-liquidación definitiva que terá que presentar no primeiro trimestre do ano seguinte ao que iniciou a actividade.

3. De igual xeito, o importe da declaración-liquidación definitiva determinarase mediante a aplicación da porcentaxe expresada anteriormente á contía total de ingresos brutos procedentes da facturación da empresa durante dito ano.

### Artigo 37.

En todo o relativo á calificación das infraccións tributarias, así como á determinación das sancións que polas mesmas correspondan a cada caso, aplicarase o réxime regulado na Lei Xeral Tributaria e nas disposicións que a completan e desenvolven.

### Disposición Adicional Única.

No prazo de un ano, contado a partir da entrada en vigor desta Ordenanza, o Concello creará un rexistro especial no que se inscriban todas as instalacións de emisión e recepción dos servizos de telecomunicacións existentes en Negreira. A inscrición rexistral realizarase de oficio ou por petición dos interesados e deberá conter os datos relativos ao titular da licenza e ás condicións impostas para a autorización da instalación.

## ANEXO

### Área de protección ou distancias mínimas en zonas abertas e de exposición ou uso continuado a cumprir polas antenas sectoriais do tipo de telefonía móbil.


Neste anexo inclúense unhas restricións adicionais de protección a cumprir en aquelas zonas abertas, sen protección de edificacións, onde exista un uso e exposición continuada para as persoas.

Estas restricións adicionais implican a determinación de un área de protección en forma de paralelepípedo con unhas distancias mínimas aos sistemas radiantes (10mx6mx4m), para dar maior garantía de preservación do espazo vital das persoas.

Paralelepípedo de protección: É un paralelepípedo trazado a partir do extremo da antena na dirección de máxima radiación (figura 1).

No interior deste paralelepípedo non poderá existir ningunha zona de paso onde exista un uso e exposición continuada para as persoas. No caso de que dito volume de protección coincida con algunha zona de paso, será obrigatorio modificar a posición do sistema radiante.

As distancias serán consideradas desde o sistema radiante, sempre na dirección de máxima radiación.



Negreira, 22 de decembro de 2004.

José Blanco Pazos

Alcalde-Presidente

14626-0

## NEDA

### ANUNCIO

*Aprobación definitiva ordenanzas fiscais*

#### **Aprobación definitiva ordenanzas fiscais para ó exercicio 2005**

Elevado a definitivo, por non se presentar reclamación ningunha, o acordo plenario adoptado en sesión ordinaria celebrada o 15 de novembro de 2004, referente á aprobación provisional do expediente de modificación das Ordenanzas Municipais que se transcriben, faise público en cumprimento do disposto polo artigo 17.4 do Real Decreto Lexislativo 2/2004, do 5 de marzo, polo que se aproba o Texto Refundido da Lei das Facendas Locais:

#### **ORDENANZA Nº5.- REGULADORA DA TAXA POLA SUBMINISTRACIÓN DE AUGA POTABLE A DOMICILIO.**

Ten a seguinte modificación:

##### **"ARTIGO 5.-Cota tributaria.**

A cota tributaria será a fixada nas tarifas seguintes:

##### **A) ABASTECIMIENTO DE AUGA:**

Usos domésticos:

-Mínimo de facturación 45 m3/trimestre.

-Importe por m3 de auga facturada:

De 0 a 45 m3: 0,1893 euros/m3

Máis de 45 m3: 0,2623 euros/m3

Usos Industriais:

-Mínimo de facturación 105 m3/trimestre.

-Importe por m3 de auga facturado:

De 0 a 105 m3: 0,1893 euros/m3

Máis de 105 m3: 0,2623 euros/m3

Usos específicos en número limitado de días:

-A cantidade fixa de: 21,06 euros.

As tarifas anteriores non inclúen o IVE, que se engadirá en todo caso (7 po 100).

##### **B) ACOMETIDAS Á REDE XERAL DE ABASTECIMIENTO DE AUGA:**

Dereitos de acometida:

A concesión de novas tomas ou acometidas á rede faranse mediante solicitude dos interesados nas oficinas da empresa concesionaria do servizo, e con acordo adoptado polo concello, previo informe.

As peticións terán de ser individuais, e dicir, unha por cada toma ou acometida, e en caso de resultar aprobada deberase satisfacer a cantidade de 17,55 euros como dereito de acometida.

Así mesmo, fíxase a cantidade de 122,75 euros como dereito de acometida, para os casos nos que éstas fosen realizadas en núcleos con aportación veciñal e algún dos veciños non a tivera realizada sen causa xustificada.

Simultaneamente á firma da póliza de abono o usuario constituirá unha fianza polo importe do mínimo correspondente a dous trimestres, e tamén terá que aboar a cantidade de 11,68.-euros polo dereito de enganche."

#### **ORDENANZA Nº6.- REGULADORA DA TAXA POLAS ENTRADAS DE VEHÍCULOS A TRAVÉS DAS BEIRARRÚAS E OUTROS TERREOS DE USO PÚBLICO E RESERVA DA VÍA PÚBLICA PARA APARCAMENTO, CARGA E DESCARGA DE MERCANCÍAS DE CALQUERA CLASE.**

Ten a seguinte modificación:

##### **"ARTIGO 5.-Cota Tributaria.**

A cota tributaria será a fixada nas tarifas seguintes:

-Almacéns o por maior e fábricas.-111,89 euros/ano.

-Exposición e venda automóbiles.-83,92 euros/ano.

-Talleres mecánicos, reparación, pintura, lavados ou similares.-55,94 euros/ano.

-Garaxes particulares de menos de 10 vehículos, ata 2 mts. lineais de reserva.-27,98 euros/ano.

-Por cada metro ou fracción que exceda dos 2 m. a cantidade de 7,00 euros/metro/ano."